



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dialogue De La Tres-Sainte Vie De La Vierge Marie. De
ses eminentes perfections, & les devoirs que nous luy
deuons rendre**

Pont-A-Movsson, 1649

LXXXIV. Les premiers Chrestiens cognoissoient ils la Vierge?

[urn:nbn:de:hbz:466:1-46934](https://nbn-resolving.org/urn:nbn:de:hbz:466:1-46934)

tement obeissante à tous les saincts decrets que firent les Apostres ; en suite elle eut toutes les autres vertus. Sa modestie estoit toute diuine : elle ne prenoit de repos, ny de viandes, qu'autant que la necessité le permettoit : elle veilloit continuellement sur soy, ne desirant que de plaire à Dieu : C'est pourquoy elle employoit toutes ses forces à bien faire ses actions, & à auancer le salut des ames.

LXXXIV.

Les premiers Chrestiens cognoissoient ils la Vierge ?

Les Apostres ne manquoient pas à leur en donner vne tres particuliere cognoissance ; comme aussi à rapporter à la Vierge tout ce qui se passoit en leur ministere, l'auertissant de tant de mille Chrestiens, qui se conuertissoient tous les iours : D'où arriuoit qu'elle en receuoit vne ioye extraordinaire, voyant ces nouvelles plantes du Iardin de l'Eglise, qui venoient en Hierusalem.

de la Vierge Marie. 6

expressement pour auoir l'honneur
de la salüer, & luy rendre leurs tres-
humbles deuoirs.

LXXXV.

*Receuoit-on de la ioye de son entre-
neuë, & de ses discours?*

Si l'objet de nos yeux le plus de-
sirable, & aimable, c'est l'aspect d'un
homme, qui est sainct, & en la gra-
ce de Dieu; & si pour en auoir la
iouissance les longs voyages sont
doux & agreables, & semblent bien
employez, combien d'auantage se
resiouyffoit-on de iouir de la pre-
sence de la Vierge; dans laquelle
se trouuoient tous les motifs d'a-
mour imaginable: sans doute elle
gaignoit les cœurs de tous ceux qui
la contemploient, & luy parloient,
rauis par ses exemples, & les rares
signes de saincteté, qu'elle faisoit
paroistre.

LXXXVI.

*Auec quelle affection accueilloit-elle
les premiers Chrestiens la
venant visiter?*